

S. INDALETII 21

E P I S C O P I

E T

M A R T Y R I S.

D U P L E X.

DIE XV. MAIL.

In festo sancti Indaletii Episcopi & Martyris.

Duplex.

Omnia de Communi unius Martyris Pontificis primo loco, præter ea, quæ hîc sequuntur

Oratio.

DEus, qui nobis, ad primitias fidei propagandas, beatum Indaletium Martyrem tuum, atque Pontificem tribuere dignatus es; da quaesumus, ut quem festivo veneramur obsequio, ejus intercedentibus meritis æterna gaudia consequamur. Per Dominum nostrum.

In primo Nocturno, Lectio-
nes de Scriptura occurrente.

In secundo Nocturno.

Lectio iv.



Indaletius, cujus illustre nomen variis Ecclesiæ fastis reperitur inscriptum, unus fuit e septem præcipuis sancti Jacobi Apostoli discipu-

Pars Verna.

lis, qui à beato Petro Episcopi postmodum ordinati, & in Hispaniam ad seminandum Dei verbum directi primas ibidem Episcopales Sedes fundaverunt: Is ergo una cum Sociis, Torquato, Ctesiphonte, Secundo, Cæcilio, Hesychio, & Euphrasio laboriosissimum onus convertendi ad Fidem Gentes, veterum errorum alioqui tenacissimas, alacri, gaudentique animo suscepit: quas illi fidenter sperabant à jugo diaboli, Divina virtute, solvendas, quantum validius Ethnicæ superstitionis nexibus ligabantur. Inclyti ergo Christi Atlæthæ, cum post magna, & ardua itinera Accim superiõris Bæticæ urbem pervenissent; vires aliquantum prope ipsam refecturi, quiescebant, quo nimium die Paganorum multitudo illis, qui putantur dii, & non sunt, sacrilegum, sollemnium pompa, festum celebrabat.

bat. Cum autem aliquos ex discipulis ad emendos cibos in urbem misissent, bárbara gens, diabólico furóre acta, irruit in servos Dei, quos fugæ se committentes, usque ad amnem non longè fluentem persecûta est.

R. Lux perpétua lucêbit sanctis tuis Dómine, * Et æternitas tēporum, allelúia, allelúia. **V.** Lætitia sempiterna erit super capita eorum: gaudium & exultationem obtinebunt. Et æternitas.

Lectio v.

Pons super flumen erat miræ magnitudinis, ac tantæ firmitatis, ut nulli ævo cessurus videretur, quem cum sancti Antistites essent ingressi, numerosa persecutorum turma, sævum in ipsos impetum faciens, ascendebat. Sed ecce repentè divinæ virtutis auxilium. Statim enim ac sancti Viri transierunt, ingens illa, & elata moles cum fluentium hominum multitudine, horribili strépitu, in profluentem corruit. Ceteri verò tanti miraculi evidéntia territi, in se ipsos revérti caperunt; ac furóre in reverentia converso, ad servos Dei accurrentes, ut apud ipsos manerent, invitabant; quo in officio pietatis ceteris præfúlit Matróna de ordine senatório, Lupária nómine, quæ inspirante Deo, sacros Anti-

stites benignè excēpit, ab ipsisque Fide instructa, & baptizata, ædiculam pro Sacris Christianorum extruxit; atque copiosam segetem inde in horrea Dómini invehentes, Torquatúmque ibi primum loci Episcopum relinquentes, ceteri ad opus Apostólici ministerii alibi exercendum progressi sunt.

R. In servis suis, allelúia, * Consolábitur Deus, allelúia. **V.** Judicabit Dóminus populum suum, & in servis suis. Consolábitur.

Lectio vj.

Indalétius autem Urcum finitimam, & olim magnitudine célebrem civitatem erudiendam suscepit, ibique sedem figens, innúmeros filios, vitæ sanctitate, & verbi virtute, Christo per Euangelium genuit. Ex quo mirè per totam regionem Religio Christiana, ejéctis gentium idólis, propagata est. Ipse autem multis confectus ærúmnis, ac imensis superatis laboribus, pro confessiône Christi, & Fidei Christianæ propagatione, méritis plenus, ac miraculorum glória illústris obdormivit in Dómino. Corpus ejus ibidem à Christianis religiosissimè sepúltum, post generalem Hispaniæ devastatióne, ad Monasterium sancti Joánis Baptiste, quod à Pina vocant, in Aragoniæ regno, divina

divina providentia, translatum, & honorificentissimè tumultatum fuit. Sedes autem, nova prope Urcum extructa urbe, quam modò Almeriam vocant, Catholicorum Regum pietate, restituta est; ac Indalétium, ut primum ejus Fundatorem, ac præcipuum urbis, & Diocesis Patrónum, summa omnes devotiõne venerantur. Ad cujus augmentum Clemens Duodécimus, Póntifex Máximus, ut acta ejusmodi in ejus Festo legerentur, benignè indúlfit.

R. Filia Jerúsalem, veníte & vidéte Mártyres cum coronis, quibus coronávit eos Dóminus; * In die solemnitatís & lætitiæ, allelúia. **V.** Quóniam confortávit seras portarum tuarum, benedixit filios tuos in te. In die solemnitatís. **Gloria Patri.** In die solemnitatís.

In tertio Nocturno Homilia in Evangelium. Ego sum vitis. **de Comuni primo loco, tempore Paschali.**

Missa. Protexisti. de eodem Comuni.



HISPANIARUM.

Pis Serenissimi Regis Catholici precibus per Eminen-
tissimum & Reverendissimum Dominum Cardinalem
Aquaviva Sanctissimo Domino Nostro porrectis, quibus
supplicatum fuit, quatenus Missam, & Officium sancti
Indaletii Primi Episcopi, ac totius Diocesis Almerien-
Patroni cum Lectionibus secundi Nocturni, ac orationibus
propriis sub die 24. Novembris 1731 à Sacra Rituum
Congregatione pro Civitate, & Diocesi predictis appro-
batis, atque concessis, etiam ad omnia Regna & Do-
minia eidem Regi Catholico subiecta extendere dignaretur:
Sanctitas sua huiusmodi instantiæ benigne inclinata
indulgit, ut in posterum in Festo dicti Sancti die 15. Maii
ab omnibus utriusque sexus, tam Secularibus, quam Re-
gularibus in cunctis præfatis Regnis, ac Dominiis ex-
stentibus, qui ad Horas Canonicas tenentur Officium, &
Missam juxta petita sub Ritu duplici minori recitari
& respectivè celebrari possit, & valeat, prout ex Re-
scripto in Fasciculo Memorialium existen. in Secretariis
Congregationis Sacrorum Rituum. Die 4. Decembris 1739

C. Cardinalis de Marinis Præfectus.

Loco ✠ Sigilli.

T. Patriarcha Hierosolymitanus, Secretarius.